

Powšitkowne WOZJEWJENJA

njedźelu, 10. nowembra 2019

Serbske kemše w Drježdźanach

Drježdźanscy Serbja, jich přiwuzni a přećeljo su na maćernorěčnu Božu mšu z fararjom Gabrišom Nawku njedźelu, 10. nowembra, w 16.00 hodź. do cyrkwy swjateho Antonija w Drježdźanach-Löbtauwe, Bünauska dróha 10, přeprošeni. Po kemšach scěhuje bjesada w tamnišej wosadnicy.

Zetkanje samostejacych w Smochćicach

Samostejacy ze serbskich wosadow su na swoje přichodne zetkanje štwórtk, 5. decembra, w 14 hodź. do Domu biskopa Bena w Smochćicach přeprošeni. Zajimcy njech so prošu hač do štwórtka, 28. nowembra, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli.

Přednošk wo fararju Imišu

Składnostnje 200. narodnin Jaroměra Hendricha Imiša budže serbski superintendent Jan Malink štwórtk, 21. nowembra, w 19.30 hodź. w Budyskim hosćencu „Wjelbik“, Žitna 7, na temu „Ta razna postawa mi nochce z hłowy.“ Imišowe skutkowanje za Serbstwo a cyrkej“ přednošować. Stawizniska sekcija Maćicy Serbskeje wšitkich zajimcow wutrobnje přeporučuje.